

QVÆSTIO MEDICA

QVOD LIBETARIIS DISPUTATIONIBVS

MANE DISCVTIENDA IN SCHOLIS MEDICORVM

DIE IOVIS VIGESIMA SECVNDA DECEMBRIS.

M. GABRIELE BIARDI Doctore Medico Moderatore.

An imbecillitati ventriculi quævis roborantia?

793

IM BECILLVS ventriculus cibos, quos suo exceperit finis, aut ægri, aut omnino non coquit; vt succus is, quo corpus vniuersum alitur, vel corrumpatur, vel tempore multo conficiatur, vel potius non atterantur cibi: quoduis horum contigerit, nutritionis ratio peruertitur: cibi verò in ventriculo atteruntur: an coquuntur calore, quem ille multum habet?

ATONIA adest, & imbecillitatis summa sunt omnia, cum cibi integri, nihil quicquam immutati egeruntur: is affectus lienteriane rectè dicitur? difficilis coctionis nota est certissima frequens ructus acidus: an ille quandoque est caloris effectus? produnt coctionis vitium, quæ viridi, atroque colore redduntur vomitu. Atonia verò morbus est? an symptoma?

INTEMPERATVS ventriculus imbecillius coquit, vt eadem ciborum concoctionem iuuent, & imbecillum ventriculum roborent, quæ emendant intemperiem imbecillitatis causam: illa multiplex; cuique suum & accommodatum est remedium, illudque aduersum, quo ipsa depellitur, vnâque amissæ ventriculi vires reuocantur. Difficilius vincitur imbecillitas, quæ à sicca enascitur intemperie: eius verò, quæ à calida exoritur, non adeò tuta curatio. an etiam qui laxiore est substantia ventriculus imbecillior?

VENTRICVLI imbecillitas sui abigendæ nullam præ se fert rationem: nudum est prorsus, & inane nomen: vt qui eam curandam suscipiunt, vmbra duntaxat, & imaginem curationis consecutur. Nomen, & Medicæ artis planè rudes, qui ventriculo imbecillis, discrimine & delectu nullo, vinum rubrum, austerum, mala cydonia, punica, malicæ, myrobalanos, cinnamomum, coriandri semen, caryophyllum comparare fatagunt; quæ sæpius aded nocent, vt atoniam ventriculi promoueant.

RIGIDIOREM ventriculum, eumque imbecillum temperant & roborant, quæ exalfaciunt; vinum vetus, generosum, meracius, aromatica omnia quavis arte parata: eundem æstu languentem temperant & recreant, quæ refrigerare valent; lactuca, cichoracea omnia, cerasa, cæterique fructus, quibus refrigerandi vis inest, serum lactis defæcatum, lac recens pressum, ipsæque Neronis decocta: exsiccatum subleuant, quæ humectant; fofus, epithemata, balnea, elixarum carminatiuus, earundem iuscula: humidiori conferunt ventriculo, quæ exsiccant & adstringunt: ea ipsa laxiorem ventriculi consistentiam reddunt compactionem: qui intemperiem & laxitatem fouet humor, catharsi ei analoga, & accommodata exigendus: feruor si adfuerit, compactionem sanguinis missione; vt remedia, quæ ventriculum roborare valent, definiat imbecillitatis causa.

Ergo imbecillitati ventriculi non quævis roborantia.

Proponebat Lutetiæ IOANNES PIETRE Parisinus, Anno R. S. H. M. DC. XXXIII.

DOMINI DOCTORES DISPUTATVRI.

M. Petrus le Conte.
M. Marburinus Alton.
M. Franciscus Blondel.

M. Guillemus Gouin.
M. Lancelotus Bader.
M. Iacobus M...

M. Franciscus l'Espicier.
M. Georgius Cornui.
M. Guillemus Dunal P. R.

